

Қазақстан Республикасы мен Ресей Федерациясы арасындағы Сарышаған сынақ полигонын пайдалану мен жалға беру және Приозерск қаласының тыныс-тіршілігін қамтамасыз ету шарттары туралы келісімді бекіту туралы

Қазақстан Республикасының 2000 жылғы 5 шілдедегі N 74-ІІ Заңы

Мәскеуде 1995 жылғы 20 қаңтарда жасалған Қазақстан Республикасы мен Ресей Федерациясы арасындағы Сарышаған сынақ полигонын пайдалану мен жалға беру және Приозерск қаласының тыныс-тіршілігін қамтамасыз ету шарттары туралы келісім бекітілсін.

Қ а з а қ с т а н Р е с п у б л и к а с ы н ы ң

Президенті

Қазақстан Республикасы мен Ресей Федерациясы арасындағы Сарышаған сынақ полигонын пайдалану мен жалға беру шарттары және Приозерск қаласының тіршілік әрекетін қамтамасыз ету туралы Келісім

(2000 жылғы 27 шілдеде күшіне енді - ҚР халықаралық шарттары бюллетені, 2001 ж., N 5, 50-құжат)

Ескерту. "Қазақстан Республикасы мен Ресей Федерациясы арасындағы 1995 жылғы 20 қаңтардағы Сарышаған сынақ полигонын пайдалану мен жалға беру және Приозерск қаласының тыныс-тіршілігін қамтамасыз ету шарттары туралы келісімге өзгерістер мен толықтырулар енгізу туралы хаттаманы ратификациялау туралы" 2007 жылғы 21 шілдедегі N 285 ҚР Заңын қараңыз.

Әрі қарай Тараптар деп аталатын Қазақстан Республикасы мен Ресей Федерациясы, Қазақстан Республикасы мен Ресей Федерациясы арасындағы 1992 жылғы 25 мамырдағы достық, ынтымақтастық және өзара көмек туралы Шарттың, Қазақстан Республикасы мен Ресей Федерациясы арасындағы 1993 жылғы 22 қаңтардағы сынақ полигондарын пайдалану тәртібі туралы Келісімнің ережелеріне сүйене отырып; төменде РҚҚ-72 бойынша Шарт деп аталатын Кеңес Социалистік Республикалар Одағы мен Америка Құрама Штаттары арасындағы 1972 жылғы 26 мамырдағы ракетаға қарсы қорғаныс жүйелерін шектеу туралы Шартта бекітілген мақсаттар мен принциптерге өздерінің адалдығын қуаттай отырып;

Тәуелсіз Мемлекеттер Достастығына қатысушы-мемлекеттердің 1992 жылғы 9 қазандағы РҚҚ-72 Шартына қатысу туралы Шешімін, Қазақстан Республикасы мен

Ресей Федерациясы арасындағы 1994 жылғы 28 наурыздағы әскери ынтымақтастық туралы Шартты, Қазақстан Республикасы Үкіметі мен Ресей Федерациясы Үкіметі арасындағы 1994 жылғы 28 наурыздағы әскери-техникалық ынтымақтастық туралы Келісімді

басшылыққа ала отырып;

жылжымалы және тұрақты мүлкімен Қазақстан Республикасы аумағында орналасқан Сарышаған полигоны және Приозерск қаласының объектілері Қазақстан Республикасының меншігі екендігін ескере отырып, және Тараптардың қорғаныс қабілетін қамтамасыз ету мақсатында, ғылымы мен экономикасын дамыту мүддесі үшін Сарышаған полигонын сақтау және дамыту қажеттігін мойындай отырып, төмендегілер жөнінде келісті:

1 - б а п

Осы Келісімнің тақырыбы әрі қарай Полигон деп аталатын Сарышаған полигоны мен Приозерск қаласы болып табылады. Қазақстан Республикасының Ресей Федерациясына Тараптардың қауіпсіздігін қамтамасыз ету мақсатында, ғылымы, экономикасын дамыту мүдделері үшін уақытша Полигонның объектілері мен Приозерск қаласының жылжымалы және тұрақты мүлкін беруі жалға беру шартымен жүзеге асырылады. Полигонның және Приозерск қаласының жалға беру жағдайымен берілетін объектілері мен жылжымалы және тұрақты мүлкінің тізбесі мен құрамы, жалға беру ұзақтығы, жалға беру ақысының мөлшері мен оны енгізу мерзімі, осы Келісімге қол қойылғаннан кейін үш ай мерзім ішінде жасалатын жалға берудің жеке Ш а р т ы м е н а н ы қ т а л а д ы .

Полигон Жезқазған, Жамбыл, Ақтөбе, Қызылорда облыстары аумақтарында о р н а л а с қ а н .

Полигонның жер учаскелерінің шекараларын анықтайтын нүкте координаталарының тізбесі осы Келісімнің ажырамас бөлігі болып табылатын қ о с ы м ш а д а к е л т і р і л г е н .

2 - б а п

Тараптар Полигонның ӘШҚҚ-72 жөніндегі Шарттың 4 бабында айтылған және 1978 жылғы 1 қарашадағы Шартқа Келісілген мәлімдемеде бекітілген Полигонның іс жүзіндегі әуе шабуылына қарсы қорғаныс сынақ полигоны ретінде ерекше статусын р а с т а й д ы .

3 - б а п

1. 1991 жылдың 31 тамызына дейін жасалған және қондырылған Полигонның және

Приозерск қаласының жылжымалы және тұрақты мүлкі Қазақстан Республикасының меншігі болып табылады.

2. Полигонда және Приозерск қаласында 1991 жылдың 31 тамызынан кейін жасалған, алынған және қондырылған жылжымалы және тұрақты мүлікке деген меншік құқығы Полигонның және Приозерск қаласының объектілерін ұстауға, пайдалануға және кезекті жөндеуге кеткен шығындарды есептемегенде, оны құруды, алуды және жеткізуді қаржыландыруды жүзеге асырушы Тарапқа беріледі. Осыған орай Ресей Федерациясы Қазақстан Республикасымен мұндай мүлікті жасауды және жеткізуді, сондай-ақ жалға беру мерзімі біткеннен кейін оны Тараптардың пайдалануын келіседі.

3. Барлық жағдайларда жобалық шешімдердің экологиялық және басқа да қауіпсіздігін қамтамасыз ету Полигон басшылығының Қазақстан Республикасының тиісті министрліктері мен ведомстволарына талқылау мен сарап қорытындысы үшін керекті мәліметтерді беру жолымен жүзеге асырылады.

4 - б а п

1. Қазақстан Республикасы 1991 жылғы 21 тамыздағы жағдайға сәйкес Ресей Федерациясына жалға беру жағдайымен, келісілген түгендеу ведомствосы бойынша Полигонның объектілері Приозерск қаласының жер учаскелері, жылжымалы және тұрақты мүлкін береді. Тараптар осы Келісімге қол қойылған күннен кейін аталған мүлікті жалға беру шартын дайындау үшін бірлескен комиссия құрады. Бірлескен комиссия жалға беру шартында жыл сайынғы жалға беру ақысының мөлшерін, сондай-ақ 1992-1994 жылдары Ресей Федерациясының Полигонды және Приозерск қаласын пайдалануына байланысты Қазақстан Республикасының әрбір жылға жылдық жалға беру ақысы деңгейінде мүліктік шығын және шығындар мөлшерін бағалайды. Екі мемлекеттің Үкіметтері ақы беру механизмін жалға беру шартына сәйкес анықтайды.

Осы мақсаттарда Тараптар бірлескен Комиссияға аталған жұмыстарды жүзеге асыру үшін қажетті құжаттарды береді.

2. Қазақстан Республикасы жалға беру жағдайымен уақытша пайдалануға Ресей Федерациясына берілетін Полигон және Приозерск қаласы объектілерінің жер учаскелерін пайдалану құқығын береді. Ресей Федерациясы өз мүддесінде пайдаланатын Полигонның жерлері үшін (тұрақты немесе мезгілді) ақы төлейді.

5 - б а п

Ресей Федерациясына жалға беру жайымен берілетін жылжымалы және тұрақты мүлік, тиісті жер учаскелері тек қана Полигон алдында тұрған тапсырмаларды орындауды қамтамасыз ету үшін мақсатты бағытта пайдаланылуға тиіс. Бұл мүлік пен

жер учаскелері Тараптардың немесе үшінші мемлекеттердің жеке және заңды адамдарына субарендаға берілмейді.

6 - б а п

Жалға беру мерзімі біткенде, сондай-ақ осы Келісімнің күші немесе, жалға беру жайымен берілген жекелеген объектілерде жұмыстар уақытынан бұрын тоқтаған жағдайда, Ресей Федерациясы әрі қарай пайдаланылануға болатындай күйде жалға алынған жылжымалы және тұрақты мүлікті және тиісті жер учаскелерін Қазақстан Республикасына қайтарады.

Барлық жағдайларда мүлік пен жер учаскелерін қабылдау-беру Тараптардың өкілетті өкілдерінен құралған бірлескен комиссиямен жүзеге асырылады.

7 - б а п

1. Полигонның Ресей Федерациясына берілген объектілерін, Приозерск қаласының жылжымалы және тұрақты мүлкін пайдалануды қамтамасыз ететін әскери құрамалар Ресей Федерациясы Қарулы Күштерінің құрамына кіреді. Уақытша Қазақстан Республикасы аумағында орналасқан Ресей Федерациясы әскери құрамаларының статусы Тараптардың жеке келісімімен анықталады.

2. Әскери құрамалардың штаттық құрылымдары мен саны Қазақстан Республикасы Қорғаныс министрлігінің келісімі бойынша Ресей Федерациясы Қорғаныс министрлігімен бекітіледі.

3. Полигон бастығын тағайындау Қазақстан Республикасы Қорғаныс министрінің келісімінен кейін Ресей Федерациясы Қорғаныс министрінің ұсынуымен, Қазақстан Республикасы Президентінің келісімі бойынша Ресей Федерациясының Президентімен жүзеге асырылады.

4. Полигон орындайтын тапсырмалар көлемі өзгергенде, Ресей Федерациясының Қорғаныс министрлігі, Қазақстан Республикасының Қорғаныс министрлігінің келісуімен, Ресей Федерациясы Қорғаныс министрлігінің әскери құрамаларының штаттық құрылымдары мен әскери қызметшілер санында қажеті өзгертулерді жүзеге асырады.

8 - б а п

Приозерск қаласы Қазақстан Республикасының облыстық бағыныштағы қаласы болып табылады.

Ресей Федерациясына жалға берілген қала объектілерін есептегенде, Приозерск қаласының инфрақұрылымын ұстау тараптардың үлес қатысы принциптеріне сүйеніп

жүзеге асырылады және жал жөніндегі шартпен анықталады.

Ресей Федерациясының Приозерск қаласының инфрақұрылымын ұстауға беретін үлесі Қазақстан Республикасына Приозерск қаласы үшін мақсатты бағытта төленеді және Ресей Федерациясының жалға берілген Полигонның объектілері, Приозерск қаласының жылжымалы және тұрақты мүлкін пайдаланғаны үшін төлейтін жалақысының жалпы құрамына кіреді.

Приозерск қаласының әкімі Полигонның әскери қызметшілерін, жұмысшылары мен қызметшілерін, сондай-ақ өнеркәсіп өкілдерін бөлек ақыға Қазақстан Республикасы заңына сай тұрғын және қонақ үй фондымен қамтамасыз етеді, сондай-ақ жалпыға білім беретін мектептер мен мектепке дейінгі мекемелерден орындар береді.

9 - б а п

Полигонның қызметі ол туралы Қазақстан Республикасының Қорғаныс министрлігінің келісімімен Ресей Федерациясының Қорғаныс министрлігі бекітетін қорғаныс тақырыбындағы және Қазақстан Республикасының Ғылым және жаңа технология министрлігінің Тараптардың ғылымы мен экономикасының мүддесі үшін жұмыстар тақырыбы бойынша ережелермен реттеледі. Полигонның аталған ж ұ м ы с т а р ы ү ш і н :

- күрделі құрылыстар жоспарын қоса есептегенде, Полигон мен Приозерск қаласын ұстау мен дамыту жоспарлары ;

- ғылыми-зерттеу жұмыстарының жылдық жоспарлары;

- сынақ жұмыстарын өткізудің жылдық кестелері;

- Тараптар әскерлерінің нақты ракеталарды ұшыратын тактикалық жаттығуларды өткізу жоспарлары ;

- қару-жарақ пен әскери техниканы пайдалану және жөндеудің жылдық жоспарлары негіз болып табылады .

Жылдық жоспарлар мен кестелер оларға қатысы бар жәйттерде Қазақстан Республикасы Қорғаныс министрлігі және Қазақстан Республикасы Ғылым мен жаңа технология министрліктерімен келісу бойынша, Ресей Федерациясы Қорғаныс министрлігімен жоспарланып отырған жылдың алдындағы жылдың 1 желтоқсанына дейін бекітіледі .

1 0 - б а п

Ресей Федерациясы Полигонның объектілерін және Приозерск қаласының жылжымалы және тұрақты мүлкін пайдалану кезінде:

- аталған объектілер инфрақұрылымын қалпына келтіруді және ұстауды;

- Тараптардың қару-жарағы және әскери техникасы үлгілерін сынауды белгіленген

ш е к а р л а р д а

ө т к і з у д і :

- жүргізілетін жұмыстар қауіпсіздігі мен Полигон аумағында ракеталар ұшыруды қ а м т а м а с ы з е т у д і ;

- Ресей Федерациясы Қорғаныс министрлігінің келісуімен Қазақстан Республикасы Қорғаныс министрлігінің мүддесі үшін сынақ және ұрыс алаңдарын ұрыс атыстарын о р ы н д а у ү ш і н п а й д а л а н у д ы ;

- аталған объектілердің ғылыми-техникалық сынақ кешені мен инфрақұрылымын сақтауды және оларды жұмыс бабында ұстауды;

- ракеталар мен нысаналар қалдықтарын іздеуді, көшіруді және пайдалануды, ұрыс а л а ң д а р ы н у а қ ы т ы л ы т а з а л а у д ы ;

- апаттар салдарын уақытылы жоюды және мөлшері Тараптардың комиссиясымен анықталатын, Қазақстан Республикасына келтірілген зиянның орнын толтыруды;

- Полигон шеңберінде экологиялық жағдайды табиғатты қорғаудың ұзақ мерзімді бағдарламасын жасау, бекіту және іске асыру жолымен қалпына келтіруді қамтамасыз е т у д і м і н д е т т е н е д і .

Полигон қолбасшылығы Қазақстан Республикасының жергілікті атқарушы органдарымен бірлесіп, маусымдық ауыл шаруашылығы және геологиялық барлау жұмыстарын жүргізу кезінде, сондай-ақ дүлей зілзалаларды жоюда көмек көрсету кезінде Қазақстан Тарапының Полигон аумағының учаскелерін пайдалану тәртібін а й қ ы н д а й д ы .

Полигонның ішкі байланыс жүйелерін, автомобиль және темір жолдарын, жылжымалы составтар мен су көліктерін пайдалану және ұстау осы құралдарды пайдаланатын полигонның Әскери құрамаларымен жүзеге асырылады.

Ескерту. 10-бапқа өзгеріс енгізілді - ҚР 29.02.2016 № 464-V Заңымен.

1 1 - б а п

Полигон пайдаланатын жер учаскелерінде адамдар, өсімдік және жан-жануарлар өміріне қауіп төндіретін радиоактивті, улы заттар, ядролық және химиялық қару-жарақ, басқадай өнімдерді пайдалануға және көмуге тиым салынады.

1 2 - б а п

Ресей Федерациясы экологиялық нормативтерді, су мен жерді пайдалану ережелері мен нормаларын Қазақстан Республикасының заңына сәйкес орындауға міндетті. Полигонның қызметі салдарынан экологиялық зиян келтірген жағдайда, Ресей Федерациясы зардаптарды жоюды жүзеге асырады. Осыған орай іске асыру тәртібі мен зиянның мөлшері арнайы құрылған мемлекетаралық комиссиямен анықталады.

1 3 - б а п

Ресей Федерациясының кәсіпорындары мен ұйымдарына, әскери ведомстволарына, жеке адамдарына Полигон аумағында геологиялық барлау жүргізуге, пайдалы қазбаларды өңдеуге, аңдарды аулау кәсібімен айналысуға, балық аулауға, жабайы өсімдіктерді жинауға тиым салынады.

1 4 - б а п

Шеттен әкелінетін және шетке шығарылатын мүлікті, соның ішінде Приозерск қаласының әскери аймағында кедендік тексеру Қазақстан Республикасы заңына сәйкес, Қазақстан Республикасы кеден инспекцияларының өкілдерімен жүзеге асырылады.

1 5 - б а п

Қазақстан Республикасының Қорғаныс министрлігі Қазақстан Республикасы мен Ресей Федерациясы арасындағы әскери ынтымақтастық туралы Шарт пен ӘШҚҚ-72 бойынша Шартқа сәйкес Полигонда сынақтан өткен жаңа қару-жарақ пен әскери техниканың жаңа түрлерін, соның ішінде жалдық ақы есебінен, алуға басым құқығы бар.

Полигонның жер учаскелерін Ресей Тарапымен келісім бойынша, осы Келісімге залал келтірмей, Қазақстан Тарапының үшінші елдермен әскери және әскери-техникалық ынтымақтастығы мүдделеріне орай пайдалануға жол беріледі. Ресей Тарапы осындай пайдалану нәтижесінде туындаған теріс салдарларды жою және Қазақстан Тарапына, оның ішінде экологияға және табиғатты пайдалануға келтірілген залалды өтеу үшін жауапты болмайды.

Жекелеген жер учаскелерін пайдалану мәселелерін жоспарланған жылдың алдындағы жылғы 1 желтоқсаннан кешіктірмей Тараптардың Қорғаныс министрліктерімен келісіледі.

Ескерту. 15-бапқа өзгеріс енгізілді - ҚР 29.02.2016 № 464-V Заңымен.

1 6 - б а п

Ресей Федерациясы жеке Келісімдер негізінде Қазақстан Республикасына радиоэлектроника мен байланысты дамытуға, әскери, ғылыми және инженер-техникалық мамандарды дайындау және қайтара дайындауға көмек көрсетуге өзіне міндеттемелер қабылдайды.

Тараптар Қазақстан Республикасының Ұлттық радиоэлектроника және байланыс орталығының бірлескен қызметіне, және Ресей Федерациясының Полигонда өз

қызметін жүзеге асырушы өнеркәсіптерін ұйымдастыруға, пайдаланылмай жатырған өнеркәсіп күштері мен объектілері базасы негізінде қазақстан-ресей бірлескен кәсіпорындары мен ұйымдастыру құрылымдарын құруға, басқа мемлекеттер инвесторларын тартуға, Полигонды пайдалануда Қазақстан Республикасының және Ресей Федерациясының азаматтық кәсіпорындарының қатысуына көмек көрсетеді.

1 7 - б а п

Осы Келісімнің қосымшасында шекарасы анықталған, Полигон аумағының әуе кеңістігі оның жұмысын қамтамасыз етуге пайдаланылады және тиым салынған аймақ б о л ы п е с е п т е л е д і .

Полигон аумағының әуе кеңістігін пайдалану тәртібі мен шарттары Қазақстан Республикасы заңды және басқа да нормативті актілерімен анықталады.

1 8 - б а п

Полигон үшін Қазақстан Республикасы мен Ресей Федерациясының шекаралары арқылы жүктерді жіберу Қазақстан Республикасы мен Ресей Федерациясының кедендік заңына сәйкес алынуы кедендік органдарға жүктелген кедендік баж салығын, акциздерді және басқа да салықтарды төлеусіз жүзеге асырылады.

Әскери қызметшілер, олардың отбасы мүшелері, өнеркәсіп мамандары Ресей Федерациясынан Полигонға жаңа қызмет немесе жұмыс орнына және кері қарай жіберілгенде, алынуы кедендік органдарға жүктелген кедендік баж салығын, акциздерді және басқа да салықтарды төлеусіз кеден шекаралары арқылы өз жүктерін а л ы п ө т е д і .

1 9 - б а п

Пайдаланудың белгіленген амортизациялық мерзімін өтеп, техникалық нормаларға сәйкес шығынға жазылуға тиісті Ресей федерациясына уақытша жалға берілетін жылжымалы және тұрақты мүлікке иелік ету, Тараптардың қорғаныс министрліктерінің келісілген ұсыныстары бойынша Қазақстан Республикасының мемлекеттік мүлікті басқаруға өкілденген мемлекеттік органымен жүзеге асырылады.

2 0 - б а п

Полигон және Приозерск қаласының объектілері аумағында сауда-тұрмыс, әлеуметтік, сондай-ақ медициналық қызмет көрсету тараптардың жеке келісімдері негізінде жүзеге асырылады.

Полигонның қызметшілер мен жұмысшылар қызметтеріне Ресей Федерациясының азаматтарымен қатар Қазақстан Республикасының азаматтары да қабылданады. Осыған орай, оларға, азаматтығына қарамастан Ресей Федерациясының еңбек заңына сәйкесті барлық еңбек ақы төлеу шарттары таратылады.

2 1 - б а п

Полигон аумағында орналасқан және қызмет атқаратын әскери құрамалар және өнеркәсіп ұйымдарының қызметі Ресей федерациясымен қаржыландырылады.

Полигон аумағындағы орналасқан Тараптардың әскери қызметшілері мен әскери құрамаларының тіршілік әрекетін қамтамасыз ету мақсатында, Тараптардың ұлттық валюта айналымы мәселелері Қазақстан Республикасының Ұлттық банкі мен Ресей Федерациясының Орталық банкісі арасындағы Келісімге сәйкес реттеледі.

2 2 - б а п

Полигон режимді объект болып табылады. Ресей Федерациясына жалға берілген Полигонның және Приозерск қаласы объектілерінің барлауға қарсы қамтамасыз етуі Қазақстан Республикасы мен Ресей Федерациясы арасындағы Қазақстан Республикасы аумағында уақытша орналасқан Ресей Федерациясы әскери құрамаларының және оның құрамына кіретін адамдардың қауіпсіздігін қамтамасыз ету бойынша ынтымақтастық пен өзара әрекеттестік туралы Келісімге сәйкес жүзеге асырылады. Полигонда және Приозерск қаласының аталған объектілеріндегі режимдік шаралар Полигон басшылығымен Ресей Федерациясы Қарулы Күштерінде орнатылған тәртіппен ұйымдастырылады және жүзеге асырылады.

Полигон объектілеріне Қазақстан Республикасы Қорғаныс министрлігі әскери бөлімдерінің, Қазақстан Республикасының радиоэлектроника және байланыс Ұлттық Орталығының және Ресей Федерациясы Қорғаныс министрлігінің, сондай-ақ Тараптардың өнеркәсіп ұйымдарының өкілдерін жіберу Қазақстан Республикасы Қарулы Күштерінің келісілген тәжірибе-конструкторлық, ғылыми-зерттеу жұмыстарының кестесіне, тактикалық жаттығулар жоспарлары және аталған бөлімдер мен ұйымдардың шектелген өтінімдері негізінде жүзеге асырылады.

Полигонға қызмет бабының міндеттерін орындау үшін Қазақстан Республикасының ресми адамдарын жіберу Қазақстан Республикасының іс жүзіндегі нормативті актілері анықтаған тәртіппен, сондай-ақ Полигон туралы ережемен анықталады.

Полигонда үшінші елдер азаматтарының болуы Тараптардың белгіленген тәртібімен келісіледі.

Қазақстан Республикасы арнайы органдар құра алады және қажет болғанда, Полигонда шартты жалға беру жөніндегі Шартты орындауға байланысты барлық мәселелерді шешу үшін олардың өкілдерін Полигонға жібере алады.

24-бап

Осы Келісімді орындау бойынша Тараптардың қызметін үйлестіруді Қазақстан Республикасы мен Ресей Федерациясы арасындағы 1994 жылғы 28 наурыздағы әскери ынтымақтастық туралы Шартқа сәйкес құрылатын Бірлескен Комитет жүзеге асырады.

2 5 - б а п

Осы Келісімге Тараптардың келісімі бойынша өзгертулер мен толықтырулар е н г і з і л у і м ү м к і н .

Келісім он жыл мерзімге жасалады. Оның күші, егерде бір Тарап екінші тарапқа әрбір он жылдық мерзімнің бітуіне алты ай қалғанға дейін оның қызметін тоқтату туралы өз тілегін хабарламаса, оның қызметі кейінгі он жылға өзінен-өзі ұзартылады.

Егерде Тараптар жалға беру шарттары туралы келісілген шешімге келмесе немесе Тараптар бұл шарттарды орындамаса осы Келісімнің қызметі тоқтатылады.

Осы Келісім қол қойылған күннен бастап уақытша қолданылады және Тараптардың оның күшіне енуіне қажетті мемлекетаралық рәсімдерді орындағаны туралы соңғы мәлімдемесінен кейінгі күні күшіне енеді.

1995 жылы 20 қаңтарда Мәскеу қаласында әрқайсысы қазақ және орыс тілдерінде екі дана болып жасалынды, сондай-ақ екі текстің күші бірдей.

Қазақстан Республикасы	Ресей Федерациясы
үшін	үшін
1995 жылғы	20 қаңтардағы
Қазақстан Республикасы	мен Ресей
Федерациясы	арасындағы Сары-Шаған
сынақ полигонын	пайдалану мен жалға
беру шарттары	және Приозерск
қаласының	тіршілік әрекетін
қамтамасыз ету	туралы келісімге

ҚОСЫМША

Сары-Шаған сынақ полигоны жер учаскелерінің шекараларын айқындайтын координаттық нүктелердің ТІЗБЕСІ

Ескерту. Қосымша жаңа редакцияда - ҚР 29.02.2016 № 464-V Заңымен.

Географиялық координаттар

Нүкте нөмірі	сол түстік (град., мин., сек.)	ендік	шығыс (град., мин., сек.)	бойлық
Координаттары № 1 учаске:	бар	нүктелері	арқылы	өтетін сызықпен шектелген
1	46 07 20		73 34 28	
2	46 38 34		73 26 20	
3	46 46 45		73 25 40	
4	46 53 37		73 18 25	
5	46 56 00		72 39 45	
6	47 00 43		72 01 50	
7	47 04 10		71 52 00	
8	47 12 33		71 19 40	
9	47 13 00		71 02 00	
10	47 22 00		70 26 00	
11	47 10 00		70 23 33	
12	47 23 45		69 32 31	
13	47 33 10		69 20 19	
14	47 19 15		69 14 00	
15	47 16 27		69 12 40	
16	46 10 19		69 13 22	
17	46 00 00		69 16 20	
18	45 28 00		70 31 50	
19	45 27 00		70 36 00	
20	45 25 00		70 56 30	
21	45 25 30		71 27 20	
22	45 23 25		71 34 00	
23	45 19 20		72 03 42	
24	45 20 12		72 17 20	
25	44 57 55		73 17 23	
26	44 55 26		73 19 56	
27	44 57 23		73 30 30	
28	44 59 26		73 38 45	
29	45 02 55		73 46 23	
30	45 10 41		73 42 57	
31	45 14 25		73 44 40	
32	45 30 13		73 29 58	
33	45 39 21		73 21 15	
34	45 40 25		73 18 50	
35	45 47 15		73 19 55	
36	46 07 20		73 34 28	

Координаттары № 2 учаске:		бар	нүктелері	арқылы	өтетін	сызықпен	шектелген
1	47 14 45				68 22 55		
2	47 14 45				68 22 30		
3	47 14 25				68 22 30		
4	47 14 25				68 22 55		
5	47 14 45				68 22 55		
Координаттары № 3 учаске:		бар	нүктелері	арқылы	өтетін	сызықпен	шектелген
1	47 23 48				67 32 46		
2	47 24 07				67 27 24		
3	47 23 17				67 26 42		
4	47 21 06				67 25 51		
5	47 20 18				67 29 47		
6	47 21 07				67 31 55		
7	47 23 48				67 32 46		
Координаттары № 4 учаске:		бар	нүктелері	арқылы	өтетін	сызықпен	шектелген
1	47 29 53				63 05 55		
2	47 54 30				63 13 26		
3	47 58 40				63 14 02		
4	47 55 01				63 40 56		
5	47 53 40				63 42 56		
6	47 53 00				63 39 56		
7	47 28 44				63 40 53		
8	47 29 53				63 05 55		
Координаттары № 5 учаске:		бар	нүктелері	арқылы	өтетін	сызықпен	шектелген
1	47 23 17				61 27 04		
2	47 29 35				61 08 54		
3	47 45 00				60 26 56		
4	48 08 45				60 34 46		
5	48 05 53				61 11 27		
6	48 03 45				61 09 17		
7	48 00 28				61 08 09		
8	47 57 02				61 08 20		
9	47 54 00				61 10 59		
10	47 50 50				61 14 11		
11	47 23 17				61 27 04».		

© 2012. Қазақстан Республикасы Әділет министрлігінің «Қазақстан Республикасының Заңнама және құқықтық ақпарат институты» ШЖҚ РМК